

nigriora sunt, vultum aspicientis reddant, per scalam helicem, seu cochleam, non in ipso turris medio, sed intra duplicatos parietes exstructam, ascenditur. ex qua ad quamlibet contignationem patet aditus, & inde ad pulcherrima ex sculpto marmore podia, deaurataeque ferreas crates, quibus podia turrim totam ambientia undique armantur, ornanturque. ubique extra turrim ad ipsa podia, maximeque ad summitatem tintinnabula ac campanulae ita suspensae sunt, ut à vento agitatae suavem edant concentum; ultima zona idolum continet, cui dicata turris est, ex cupro fusili ac deaurato: circum ipsam turrim vicina aliqua visuntur idolorum fana opere plane admirando, quaeque molibus illis antiquis Romanorum facile invidiam facere possint. atque haec una est ex illis turribus, quas superstitiose exstrui dixi à Sinis, omnem ab eo fortunam felicitatemque suam pendere ratas, brevibus hanc illic descripsi, quia ipsemet illam conscendi, atque omnia meis oculis diligenter perlustravi, quamvis & illa multo pulchriores sint apud Sinas, ex hac tamen velut ex ungue leonem cetera colliges, cum omnes ut plurimum sibi sint similes, eodemque architecturae modo ac ordine structae.

Montes insigniores.

Vnus notatu dignus mons occurrit Mingxe dictus, quod sonorum lapidem significat, haud procul abest à Caotang: in huius quippe montis vertice cippus erectus stat centum altus perticas, qui vel leviter digito percussus ad tympani modum sonum edere dicitur, à quo monti nomen.

Flumina.

Jun fossa huius urbis territorium medium fecat, ad Lincing Guei fluvijs illam excipit, reliqua quae ad flumina pertinent, dabunt Mappae. Quonching lacum habet Ho, in quo Guei Rex olim grues alebat magna cura; quas aves etiam nunc Sinæ domi libenter alunt, uti & cervos: cum enim animalia illa longissimae vitae sint, si domi ea habeant, saepiusque aspiciant, inde sibi nescio quem ad diutius vivendum pollicentur affricandum influxum.

Quarta Urbs

C I N G C H E V.

URbis Cingcheu regionem Yvus Imperator cognomini Provinciae adscripsit, statuitque sub stellis Hiú &

Guei: Ci regum fuit, ab Hana familia Pe-hai dicta, sub Sunga familia Chinghai, hodierni nominis auctor Taiminga familia est: montibus non caret, sed eam mare & flumina foecundant; vix alibi rerum necessariorum copia major, aut vilius pretium; piscium multitudo tanta, ut vel ex solis Squartiarum (Segrin vulgo vocant) pellibus magnum lucrum faciat: urbis nobilitas vel ex eo patet, quod regem è Taiminga nata fuerit familia, praest civitatibus quatuordecim. 1 Cingcheu, 2 Linchi, 3 Pohing, 4 Caoyven, 5 Logan, 6 Xeuquang, 7 Changlo, 8 Linkiu, 9 Gankiu, 10 Chuching, 11 Mungin, 12 Kiu o, 13 Yxui, 14 Gechao.

In his locis lapis è vaccarum stomacho educitur, Sinæ Nieuhoang vocant, hoc est vaccarum luteum, quia nimirum lutei plerumque coloris est; magnitudine variat, subinde ovum anserinum aequat; non tam solidus est ac lapis Bezoar, adeoque multo levior, praeter illo tamen à Sinenfibus medicis commendatur, expetiturque, dicas ex creta molliori, sed lutea siccaque constare; frigidissimae qualitatis eum esse volunt Sinæ & ad catharos deprimendos apprime conducere, ajunt ejus pulverem in ebullientem aquam conjectum eam mox sistere ac quietam reddere, praeterea si pauxillum frigidae aquae superimponas, exhalationem emitte- re, & quam celerrime aquam descensu suo penetrare: hunc ego lapidem existimo quem Bellonius in singularibus vocat lapidem fellis, lib. 3. c. 46. ubi agit de Turcarum lanionibus. hic lapis, ut ait idem auctor, ab Arabibus vocatur Haraczi.

Ad Chuching pertinet ingens mons Langsie, unde in ortum ad mare usque excurrit: in eo quamplurimi pagi sunt, quibus initium dedit Xius Imperator: ad triginta enim hominum millia per montem ad eum colendum frequentandumque distribuit.

Prope Yxui mons est Tapien, cuius vertex diffusus in planiciem nonaginta stadiorum campum aperit.

Alluit mare civitates Logan, Xeuquan, Chuching, Gechao, aut illarum saltem territoria. Scribunt Sinæ in vicinis Insulis herbam nasci, Lungsin vocant, quae ab equis absumpta eis robur ac velocitatem tribuat. Kopoi amnis originem habet in monte Y, inde transit Kiú civitatem.

Lapis Vaccinus.

Montes insigniores.

Flumina.